



www.perkeso.gov.my
1-300-22-8000

- PERKESO Official
- @perkeso official
- @PERKESOofficial
- PERKESO



Skim Keselamatan Sosial Suri Rumah (SKSSR)



Latar Belakang

Skim Keselamatan Sosial Suri Rumah (SKSSR) yang diperkenal di bawah Akta Keselamatan Sosial Suri Rumah 2022 bertujuan untuk menyediakan perlindungan keselamatan sosial kepada golongan suri rumah daripada bencana domestik dan keilatan semasa menguruskan rumah tangga.

Skim ini mengiktiraf peranan suri rumah dalam pembangunan institusi keluarga atau ‘care economy’ dan secara langsung atau tidak langsung, membantu menjana ekonomi negara. Justeru, skim ini memastikan tiada suri rumah yang layak tercicir daripada menerima perlindungan keselamatan sosial, selari dengan prinsip ‘no one is left behind’.

SKSSR yang akan berkuat kuasa pada 1 Disember 2022, ditadbir oleh Pertubuhan Keselamatan Sosial (PERKESO), sebuah agensi di bawah Kementerian Sumber Manusia.

Skim ini menyediakan faedah-faedah di bawah perlindungan Bencana Domestik dan Keilatan. Penyertaan dalam SKSSR adalah secara sukarela dan terbuka kepada golongan suri rumah warga negara Malaysia atau pemastautin tetap yang berumur kurang daripada 55 tahun.

Perlindungan Skim Keselamatan Suri Rumah

SKSSR memberi perlindungan kepada suri rumah yang mengalami kemalangan, penyakit atau apa-apa insiden semasa melakukan urusan berkaitan rumah tangga sehingga menyebabkan hilang upaya kekal atau keilatan yang menjelaskan keupayaan suri rumah untuk menguruskan rumah tangganya.

Bencana domestik boleh berlaku di dalam atau di luar rumah yang menyebabkan kecederaan diri kepada seseorang suri rumah akibat daripada dan semasa menguruskan rumah tangganya.

SKSSR juga melindungi suri rumah yang ditimpah penyakit atau keuzuran, di mana penyakit atau keuzuran tersebut diperakutkan keilatannya oleh penilai perubatan atau Jemaah Doktor Rayuan.

Syarat Kelayakan

- Warganegara Malaysia/pemastautin tetap
- Suri rumah yang menjalankan aktiviti berkaitan pengurusan rumah tangga
- Suri rumah belum mencapai umur 55 tahun
- Membayar caruman bagi tempoh 12 bulan yang dibayar terlebih dahulu

Takrifan Suri Rumah

Seorang perempuan sama ada berkahwin atau belum, yang menguruskan rumah tangga secara sepenuh masa atau tidak; termasuk seorang isteri, janda atau balu yang perkahwinannya berdaftar di bawah mana-mana undang-undang bertulis, atau seorang ibu yang mempunyai seorang anak atau lebih termasuk ibu tunggal.

Caruman

- Caruman sebanyak RM120 yang perlu dibayar terlebih dahulu (in advance) bagi tempoh 12 bulan berturut-turut.
- Caruman boleh dibuat oleh suami, suri rumah, keluarga atau mana-mana pihak ketiga bagi suri rumah tersebut.
- Sekiranya seorang suami memilih untuk membuat caruman untuk isterinya, prinsip ‘once in, always in’ akan terpakai bagi memastikan suri rumah mendapat perlindungan yang berterusan.
- Jika suami tidak berupaya untuk meneruskan caruman disebabkan hilang pendapatan dan sebagainya, PERKESO perlu dimaklumkan dalam tempoh 60 hari sebelum tamat tempoh caruman sedia ada.

Faedah Perubatan

Suri rumah yang ditimpah bencana domestik boleh mendapatkan rawatan perubatan dan layanan pesakit luar di hospital, dispensari, klinik atau institusi lain.

Faedah Hilang Upaya Kekal

Suri rumah yang mengalami satu atau lebih hilang upaya kekal akibat bencana domestik, boleh memohon dan menerima bayaran Faedah Hilang Upaya Kekal secara sekali gus dengan pengesoyeran oleh penilai perubatan atau Jemaah Doktor Rayuan.

Elaun Layanan Sentiasa

Dibayar secara bulanan kepada suri rumah yang menerima Faedah Hilang Upaya Kekal atau Elaun Keuzuran akibat tidak berupaya dengan teruk hingga sentiasa memerlukan layanan peribadi orang lain.

Suri rumah layak menerima elaun ini setelah diperakutkan oleh penilai perubatan atau Jemaah Doktor Rayuan. Bayaran elaun akan terhenti apabila suri rumah mencapai umur 55 tahun atau meninggal dunia.

Kemudahan Pemulihan Jasmani atau Dialisis

Kemudahan Pemulihan Jasmani atau Dialisis disediakan kepada suri rumah yang layak setelah diperakutkan menghidap keilatan atau hilang upaya kekal oleh penilai perubatan atau Jemaah Doktor Rayuan.

Sekiranya perlu, suri rumah akan diberikan bekalan prostetik, ortotik atau lain-lain alat, tanpa sebarang kos.

Perlindungan Bencana Domestik

Faedah :

- 1) Faedah Perubatan
- 2) Faedah Hilang Upaya Kekal
- 3) Elaun Layanan Sentiasa
- 4) Kemudahan Pemulihan Jasmani atau Dialisis
- 5) Faedah Pengurusan Mayat
- 6) Pencen Penakat



Perlindungan Keilatan

Faedah :

- 1) Elaun Keuzuran
- 2) Elaun Layanan Sentiasa
- 3) Kemudahan Pemulihan Jasmani atau Dialisis
- 4) Faedah Pengurusan Mayat
- 5) Pencen Penakat

Elaun Keuzuran

Dibayar secara bulanan kepada suri rumah yang menghadap keilatan dengan pengesoyeran penilai perubatan atau Jemaah Doktor Rayuan.

Suri rumah dianggap menghadap keilatan akibat sesuatu keuzuran yang berkekalan, sehingga tidak lagi berupaya melaksanakan sebahagian besar aktiviti menguruskan rumah tangga.

Pemberian elaun ini akan berakhir setelah keilatan yang dialami suri rumah terhenti, mencapai umur 55 tahun atau meninggal dunia.

Faedah Pengurusan Mayat

Jika suri rumah meninggal dunia sebelum mencapai usia 55 tahun akibat bencana domestik atau semasa mengalami keilatan, faedah ini akan dibuat kepada waris yang layak atau pihak yang menanggung perbelanjaan pengemburuan.

Pencen Penakat

Sekiranya suri rumah yang sedang menerima Elaun Keuzuran meninggal dunia sebelum umur 55 tahun, atau meninggal dunia akibat bencana domestik, Pencen Penakat dibayar kepada orang tanggungan yang layak iaitu duda sehingga mencapai umur 55 tahun atau meninggal dunia, dan kepada setiap anak sehingga berumur 21 tahun atau berkahwin. Jika tidak meninggalkan duda atau anak, pencen penakat akan dibayar kepada ibu atau bapa sehingga mereka 55 tahun atau meninggal dunia.

Pencen Penakat akan terus dibayar kepada anak yang sedang menutut sehingga tamat pengajian ijazah pertama atau berkahwin. Pencen ini juga dibayar berterusan kepada anak yang terancang mental, kurang upaya fizikal dan tidak berupaya menanggung dirinya sendiri sendiri, sehingga berumur 55 tahun.